

**Kad Diskaun 1Malaysia Disaran Diperluas Kepada Bekas Tentera, Polis  
Bernama  
10 Ogos, 2012**

KOTA BAHARU, 10 Ogos (Bernama) -- Persatuan Bekas Tentera Malaysia (PBTM) hari ini meminta kerajaan memperluaskan pemberian kad diskaun 1Malaysia Privilege Card kepada bekas tentera dan polis.

Presidennya Datuk Mohammad Abdul Ghani berkata pemberian kad itu boleh dilihat sebagai penghargaan kepada mereka yang pernah berjasa mempertahankan keselamatan negara.

"Tanpa pengorbanan bekas anggota tentera dan anggota keselamatan yang lain, negara tidak mungkin dapat mencapai keamanan sebagaimana dinikmati sekarang ini," katanya kepada Bernama selepas menyampaikan sumbangan zakat kepada bekas anggota tentera dan penduduk kampung di Kubang Kerian di sini.

Selasa lepas, Perdana Menteri Datuk Seri Najib Tun Razak mengumumkan pemberian kad diskaun itu kepada anggota tentera dan polis yang akan menikmati potongan harga sehingga 25 peratus di lebih 20 syarikat dan kedai terpilih.

Kad diagih secara berperingkat bermula semalam kepada 241,000 pegawai dan anggota meliputi 130,000 dari pasukan tentera dan 111,000 dari pasukan polis.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=687260>